

բայտ ամէ 1000 դահեկան 'ի մզկիթն Սուլթան Ահմէտայ , առնուլ 'ի ձեռաց Հայոց զվանօրայս՝ զորոշեալ տեղիս եւ զայլ կարասիս Հապեշաց , եւ յանձն առնել Պատրիարքին Յունաց : Նոյնպէս եւ զբանալիս երկուց դրանց այրին Բեթ-դեհէմիլ՝ եւ զայլ ամենայն տեղիսն , 'ի վերջ Րէպիլ ակար ամսոյ , 1.77 (1665) : Լուեալ զայստսիկ եղիազարու յերուսաղէմ զարհուրեցաւ յոյժ , զի զհետ էին ըմբռնել եւ սնա , իսկ նորա խոյս տուեալ տնտի անկաւ առ Բդեշն զազա-յի , եւ եդիտ անդ զերկուս Շէյխս , զմին եթող յերաշխի առ Բդեշն , եւ զմիւսն առեալ ուղեկից իւր անկաւ 'ի Սի-նայ : Իսկ Յոյնք վերստին գրաւեցին զվանօրայս եւ զստա-ցուածս եւ զբաժինս Ս . Տեղեաց , Հապեշաց , եւ մնաց 'ի ձե-ւքս նոցա մինչեւ ցայսօր ժամանակի : Այսոքիկ են տեղիք կամ վիճակք Հապեշաց , զորս յափշտակեցին Յոյնք : Ի տա-ճարին Ս . Յարութեան , Սեղան մի փոքր 'ի Գողգոթայ . Մաթ Եկեղեցին , սենեակ տախտակամած (թախթ) անդ : Ոտրանքն Փուշ պսակի եւ Դունկիանոսի : Թախթ Սարգսի կոչեցեալ տեղին , 'ի ներքոյ վերնատան Հայոց 6 սենեակք կրկնայարկ 'ի ձախտկողմն Գերեզմանին Քրիստոսի : 1 կան-թեղ 'ի վերայ Պատանատեղւոյն առ կանթեղօք Գալթոց : 4 կանթեղ 'ի վերայ Գերեզմանին Քրիստոսի 'ի սնարից , եւ 1 յանոտից : 1 կանթեղ 'ի վերայ Հրեշտակի վիմին : Փոքր մատուռն յանուն Մարիամու եգիպտացւոյ 'ի գաւթի Ս . Յա-րութեան : Վանք Հայր Աբրահամու դարձեալ անդ : Վանք յանուն սրբուհւոյն Կատարինեայ 'ի գլուխ չուկայի երկա-թադործաց : Ի ձորն Գեթսէմանի յեկեղեցին Ս . Աստուա-ծածնի , խորանն յանդիման ջրհորոյն 'ի կողմն հիւսիսոյ : 3 կանթեղ 'ի վերայ գերեզմանի Ս . Կուսին : յեկեղեցին Բեթդեհէմիլ : Ոտրանն՝ 'ի ներքոյ աստիճանացն Յունաց , յանդիման աջակողմեան դրան այրին :

Իսկ Աստուածատուր Պատրիարք մատուց յայնժամ գիր աղաջանաց առ Եպարքոսն Քէօպրիւլիւ , բայց ոչ ինչ շա-հեալ՝ եւ 'ի Կոստանդինուպօլսոյ թախծագին ոգւով , եւ եկն յերուսաղէմ խորհիլ վասն այսր ընդ եղիազարու , կար-գեալ 'ի Կոստանդինուպօլիս իբր գործակալ Երուսաղէմի գիւռհիջման իշխանաւորն :

Իսկ Յոյնք՝ որք էին յերուսաղէմ , կամեւով իսպառ նը-